

第四六〇册

博物彙編

藝術典

醫部

(卷)

四三—四四

古今圖書集成

中華書局影印



欽定古今圖書集成博物彙編藝術典

第四百六十三卷目錄

醫部彙考四百四十三

小兒諸疳門一

錢乙小兒直訣 五臟內外疳證主治

倪維德原機啓微 深疳爲害之病

張從政儒門事親 疳眼 牙疳

方賢奇效良方 蟲

魯伯嗣學嬰童百問 疳證 疳傷 虛羸

廣傳醫學正傳 諸疳證

張三錫準繩六要 疳眼

龔信古今醫鑑 諸疳

薛氏保嬰撮要 疳傷 蟲

王肯堂證治準繩 莊氏二十四候 諸雜

肺疳 胃疳 冷熱疳 無辜疳 疳熱 疳勞

疳積 內疳 外疳 虛羸 疳瘕 疳瘕 疳瘕

樓英醫學綱目 十二無辜疾證 五疳

小兒衛生總微論方 五疳 諸蟲 虛羸

藝術典第四百六十三卷

醫部彙考四百四十三

小兒諸疳門一

宋錢乙小兒直訣

五臟內外疳證主治

凡小兒疳在內目腫腹脹瀉利青白體漸瘦弱疳在外鼻下赤爛癩採鼻耳或肢體生瘡鼻瘡用蘭香散

諸瘡用白粉散

肝疳一名筋疳白膜遮睛或瀉血而瘦用地黃丸

心疳面黃頰赤身體壯熱用安神丸

脾疳一名肥疳體黃瘦削皮膚乾澀而有瘡疥腹大嗜土用益黃散

腎疳一名骨疳肢體瘦削遍身生瘡疥喜臥濕地用地黃丸

肺疳一名氣疳喘嗽氣促口鼻生瘡用益黃散

若患潮熱當先補肝後瀉心若妄以硝黃諸藥利之

若患癖當消磨若誤以巴豆礪砂下之又傷寒候下

皆能成疳其初病者爲熱疳用黃連丸久病者爲冷疳用木香丸

冷熱相兼者用如聖丸津液短少者用白朮散

凡此因大病脾胃虧損內亡津液所致當固脾胃爲主而早爲施治則不變敗證也

按疳證或哺食太早或嗜食甘肥或服峻厲之藥重亡津液虛火熾盛或因稟賦或乳母厚味七

情致之各當調治其內

若口舌蝕爛身體壯熱頰赤或作腫痛腹脹煩悶或掌熱咽乾作渴飲水便赤盜汗齒齬驚

此心經內外疳也用安神丸之類主之

若鼻外生瘡眼目赤爛肢體似癰兩耳前後項側

缺盆兩腋結核或小腹內股玉莖陰囊畢丸腫潰

小便不調或出白津或咬指甲搖頭側目白膜遮

睛羞明畏日肚大青筋口乾下血此肝經內外疳

也用地黃蘆薈二丸主之

若頭不生髮或生瘡癬或髮成穗或人中口吻赤

爛腹痛吐逆乳食不化口乾嗜土瀉下酸臭小便

白濁或合目昏睡惡聞木音此脾經內外疳也用

肥兒丸主之

若鼻外生瘡咽喉不利頸腫齒痛咳嗽寒熱皮膚

皺錯欠伸少氣鼻癢出涕衄血目黃小便頻數此

肺經內外疳也用地黃清肺飲主之

若腦熱吐痰手足逆冷寒熱往來滑泄肚痛口臭

作渴齒齬潰爛爪黑面驚身耳生瘡或耳出水或

食自髮此腎經內外疳也用地黃丸主之凡疳熱

上攻或痘毒上升爲患甚速名爲走馬疳急數雄

黃散服蟾蜍丸輕則牙齦腐爛嚼嚙腫痛可治重

則牙齦蝕落腮頰類透爛不治

世傳方又云有無辜等疳一十二證

金倪維德原機啓微

深疳爲害之病

衛氣少而寒氣乘之也元氣微而飲食傷之也外乘

內傷釀而成之也父母以其純陽耶故深冬不爲裳

父母以其惡風耶故盛夏不解衣父母以其數饑耶

故飼後強食之父母以其或渴耶故乳後更飲之有

愚惑而爲父母者又不審其寒暑飲食也故寒而不

爲暖暑而不能涼飲而不至渴食而不及饑而小兒

幽元衛默抱疾而不能自言故外乘內傷因循積漸

釀而成疳也渴而易饑能食而瘦腹脹下利作驚聲

聲日遠不治遂生目病其病生腎睫閉不能開淚淚

如糊久而膿流竟枯爾目何則爲陽氣下走也爲陰

氣反上也治法當如陰陽應象大論曰清陽出上竅

濁陰出下竅清陽發腠理濁陰走五臟清陽實四肢

濁陰歸六腑各還其原不反其常是其治也當作升

陽降陰之劑茯苓瀉濕湯主之升麻龍膽草飲于主

之此藥非專於目并治已上數證然勿後復則危也

為父母者其審諸
元張從政儒門事親

疳眼

凡小兒疳濕眼數日不開皆風熱所致可服涼膈散
瀉肝經風熱鬱甚鬱結散而自開也

牙疳

凡小兒牙疳齒齲者是齒齲腐爛也下牙屬手陽明
大腸之經燥金為主上牙屬足陽明胃經濕土上下
是腸胃二經也或積熱於內或因服銀粉巴豆大毒
之藥入於腸胃乳食不能勝其毒毒氣循經而至於
齒齲牙縫嫩薄之分反為害也可以麝香玉線子治
之乳母臨臥當服黃連解毒湯一服牙疳自愈
明方賢奇效良方

蟲

兒童疳蟲昏睡煩躁鼻爛汁臭齒斷生瘡下利黑血
蟲食下部為狐下唇有瘡蟲食其臟為惑上唇有瘡
三蟲者謂長蟲赤蟲蟻蟲也乃有九種而蟻蟲及寸
白人多病之寸白從食牛肉飲白酒所成相連一尺
則殺人服藥下之須結裏潰然出盡乃佳若斷者相
生未已更宜速除之蟻蟲多是小兒患之大人亦有
其病令人心痛清朝口吐汁煩躁則是也其餘各種
種不利人人胃無不有者宜服九蟲丸以除之

魯伯嗣學嬰童百問

疳證

諸疳皆脾胃之病內亡津液之所作也因大病或吐
瀉後以藥吐下致脾胃虛弱內亡津液且小兒疳疳
皆庸醫所壞病如潮熱是脾臟虛一臟實而內發虛

熱也法當補母而瀉本臟則愈假令今日中發潮熱是
心虛熱也肝為心之母則宜先補肝肝實而後瀉心心
得母氣則內平而潮熱愈也醫見潮熱妄謂其實乃
以大黃牙硝輩諸冷藥利之既利多矣不能禁約而
津液內亡即成疳也又有病癖其疾發作寒熱飲水
脅下有形硬痛治癖之法當漸消磨醫反以巴豆硝
砂輩下之小兒易虛易實下之既過胃中津液耗損
漸以疳瘦

小兒臟腑嬌嫩則易傷乳哺飲食一或失常不為
疳者鮮矣則疳以傷得恣食甘肥粘膩生冷鹹酸以
滯中脘則疳因積成或乳母寒暄失理飲食乖常喜
怒房勞即與兒乳則疳因母患傳氣而入此非病家
不能調適之過乎疳之為候頭皮光急毛髮焦稀腮
縮鼻乾口饑唇白兩眼昏爛揉鼻擤眉脊登體黃關
牙咬甲焦渴自汗尿白瀉酸肚脹腸鳴癖結潮熱酷
嗜瓜果鹹酸炭米泥土而欲水飲者皆其候也
夫疳曰五疳病關乎五臟以別之

心疳即驚疳外證身體壯熱臉赤唇紅口舌生瘡胃
膈煩悶小便赤澀五心煩熱盜汗發渴咬牙虛驚是
也

肝疳即風疳外證搖頭揉目白膜遮睛眼青多淚頭
焦髮立筋青腦熱燥渴汗多下利瘡癰是也

腎疳即急疳外證腦熱肌削手足如冰寒熱時來滑
泄肚痛口鼻乾渴齒齲生瘡爪黑面鰲身多瘡疥是
也

肺疳即氣疳亦名疳蟲外證咳嗽喘逆壯熱惡寒皮
膚粟生鼻癢流涕咽喉不利頤爛唾紅氣脹毛焦泄

利頻併是也

脾疳即食疳亦名疳疳外證身面俱黃肚大脚細吐
逆中滿水穀不化泄下酸臭合面困睡減食吃泥是
也

諸疳宜大蘆薈丸肥兒丸胡黃連丸地黃丸生熟地
黃湯皆要藥也集聖丸噎疳散脂連丸五疳良方至
聖九通神丸天麻丸地黃清肺飲化墮丸靈脂丸下
蟲丸龍膽丸黃連丸香薷丸木香丸九疳丸九黃芪湯
龍血煎蚶蚶丸厚朴丸等劑對證詳明施治

疳傷

五疳出蟲五臟疳也其餘曰蛔疳曰脊疳曰腦疳曰
乾疳曰疳渴曰疳瀉曰疳痢曰疳腫脹曰疳勞曰無
辜疳曰丁奚曰哺露其狀非一不可不撮其要而條
析之

五疳出蟲者疳傷之源雖起于乳哺不調然臟腑停
積已久莫不化而為蟲其蟲或如絲髮或如馬尾多
出于頭項腹背之間黃白或赤者可治青黑者難療
也

蛔疳者失乳飯蛋食肉太蚤或傷胃停蓄甜膩化為
蛔蟲數肩多啼嘔吐青沫腹中作痛肚脹青筋脣口
紫黑頭搖齒齲是也從口鼻出者難治

脊疳者蟲食脊骨身熱羸黃積中生熱煩渴下利拍
背如鼓鳴脊骨如鋸齒或十指皆瘡瘡類嘴爪甲是也
腦疳者胎中素挾風熱生下乳哺越常頭皮光急滿
頭餅瘡腦熱如火髮結如穗遍身多汗頤腫頗高是
也

乾疳者瘦悴少血舌乾其病在心目不轉睛乾啼少

淚其病在肝身熱尿乾手足清冷其病在腎身焦皮燥大便乾結其病在肺搭口癰眠胃脘乾渴其病在脾總爲五疳也

疳渴者臟中夙有疳氣加之乳母恣食五辛酒麪炙搏使兒心肺壅熱日則煩渴飲水乳食不進夜則渴止是也

疳瀉者毛焦脣白額上青紋肚脹腸鳴泄下糟粕是也勿用熱藥止之

疳痢者挾受風寒暑濕或冷熱不調或停積宿滯水穀不聚頻下惡物是也

疳腫脹者虛中有積其毒氣交併故令肚腹腫脹由是脾復受濕故令頭面脚手虛浮是也法當磨積調氣

疳勞者潮熱往來五心煩熱手足心及胃前熱而發瘡盜汗骨蒸喘喘枯悴是也或渴而復瀉飲水惡食肚硬如石面色如銀斷不可治

無辜疳者腦後項邊有核如彈丸按之轉動軟而不疼其間有蟲如米粉不速破之則蟲隨熱氣流散淫食臟腑以致肢體癰瘡便利膿血壯熱羸瘦頭露骨高是也針刺破用膏藥貼或澀濯兒衣露于簷下爲鳩鳥落羽所汚見著此衣蟲入皮毛亦致無辜之疾

兒衣已曬須微火烘之其若手足極細項小骨高尻削體癯腹大臍突號哭胃陷或生穀瘕是爲丁奚虛熱往來頭骨分開翻食吐蟲煩渴嘔噦是爲哺露皆因脾胃久虛不能消化水穀以致精神減損無以榮其血氣故肌肉銷燬腎氣不足復爲風冷所傷使形骨枯露亦有胎中受毒臟腑血少致之此皆無辜疳

傷種類之疾病而至此不幾殆故宜肥兒丸大蘆薈丸五疳丸胡黃連丸至聖九茯苓九天麻九地黃九十全丹香薷九褐九子消食九龍甲九下蟲九集聖九黃鷄煎丸等藥及早治之方爲全美

又有疳傷久利腸胃受濕得之狀如狐惑傷寒齒蝕之證或以走馬命名蓋齒屬腎腎虛緣受熱邪疳氣直奔上焦故以走馬爲喻初作口氣名曰臭息次第齒黑盛則齧爛熱血迸出曰宣露甚者齒皆脫落治之之法用銅絲生蜘蛛細研入麝少許合和擦齒如無蜘蛛用其殼亦可

虛羸 仲陽云虛羸者脾胃不和不能乳食致使肌膚瘦弱亦因大病或吐瀉後脾胃尚弱不能傳化穀氣也有冷者時時下利脣口青白有熱者身熱溫壯肌肉微黃此冷熱虛羸也冷者木香丸主之夏月不可服如有此證則少服之熱者胡黃連主之冬月不可服如有此證則少服之傷寒後虛羸者竹葉湯主之常服四君子湯異功散參苓白朮散之劑皆可服也橘連丸久服充肥兼服肥兒丸

虞搏醫學正傳 諸疳證 內經曰數食肥令人內熱數食甘令人中滿蓋其病因肥甘所致故命名曰疳若夫穢穢中之乳子與四五歲之孩提乳哺未息胃氣未全而穀氣尚未充也父母不能調助惟務姑息抵牾之愛遂令恣食肥甘與夫瓜果生冷及一切烹飪調和之味朝飡暮食漸成積滯膠固以致身熱體瘦面色瘡黃或肚大青筋

蟲痛瀉利而諸疳之證作矣錢仲陽曰小兒病疳多因大病後或吐瀉後以藥下之致脾胃虛損亡津液而成蓋此證實由愚醫之所害耳斯言也特一端耳未可悉以爲然其所謂謂大病吐瀉豈非飲食之所致與夫仲陽爲兒醫之祖豈有誤耶其所論諸疳形證治法班班可考學者不可不審如疳在肝則膜遮睛

法當補肝地黃丸主之疳在心則面頰赤身體壯熱法當補心安神丸主之疳在脾則體黃腹大好食泥土法當補脾益黃散主之疳在肺則氣喘口鼻生瘡亦當補脾益黃散主之此虛者隨其母也疳在腎則極瘦而身生瘡疥法當補腎地黃丸主之骨疳喜臥冷地當服補腎地黃丸內疳則目腫腹脹利色無常或沫青白漸而瘦弱此冷證也宜服木香丸外疳鼻下赤爛自採鼻頭有瘡不結痂邊目而生當用治瘡爛蘭香散白粉散等藥法曰諸疳皆因本臟而補其母則子自安假令日中潮熱是心經虛熱也肝爲心之母宜先補肝肝實而後瀉心心得母氣則內平而潮熱愈矣餘皆倣此大抵疳病當辨冷熱肥瘦而治其初病者爲肥熱疳久病者爲瘦冷疳冷則用木香丸熱則當用胡黃連丸冷熱疳並宜用至聖丸之類

惟小兒之臟腑柔弱不可痛擊大下必亡津液而成疳證爲兒醫者當以幼幼之心爲心而善調之母縱巨膽妄爲施治以絕人之嗣續幸甚

張三錫準繩六要 疳眼 小兒肥甘恣意寒暑不適生冷油膩傷脾糖麪熱物助火因循積漸釀成疳疾渴而易飢善食而瘦髮豎

疳眼 小兒肥甘恣意寒暑不適生冷油膩傷脾糖麪熱物助火因循積漸釀成疳疾渴而易飢善食而瘦髮豎

疳眼 小兒肥甘恣意寒暑不適生冷油膩傷脾糖麪熱物助火因循積漸釀成疳疾渴而易飢善食而瘦髮豎

疳眼 小兒肥甘恣意寒暑不適生冷油膩傷脾糖麪熱物助火因循積漸釀成疳疾渴而易飢善食而瘦髮豎

疳眼 小兒肥甘恣意寒暑不適生冷油膩傷脾糖麪熱物助火因循積漸釀成疳疾渴而易飢善食而瘦髮豎

疳眼 小兒肥甘恣意寒暑不適生冷油膩傷脾糖麪熱物助火因循積漸釀成疳疾渴而易飢善食而瘦髮豎

下泄腹脹鼻乾作響聲久不治脾弱肝強肝火自熾其竅遂成目眇多生醫膜睫閉不能開眩淚如糊久而膿流乃中州弱而清陽不升肝火盛而濁陰不降所致當升清降濁以白朮人參先補脾胃為君柴胡枳殼輔上藥理脾為臣蒼朮茯苓澤瀉滲濕降濁為佐羌活蔓荊升麻川芎薄荷諸風藥勝濕為使乃正治妙法

小兒過用甜物口臭牙痛眼腫氣口脉洪數屬胃火瀉黃散妙

小兒肝經濕熱內甚上攻於目眼腫腹脹九味蘆薈丸妙兼脾虛痿黃瘦弱不食者間肥兒丸裏來陰弱有相火證者心虛少與六味地黃丸

諸疳

夫諸疳者謂肥甘飲食之所致也治宜理脾胃消積化蟲清熱止瀉住痢以肥兒丸疳積餅為主此二方不問諸疳冷熱服之最效大抵疳之為病皆因過食飲食於脾家一臟有積不治傳之餘臟而成五疳之疾何謂五疳心肝脾肺腎也如疳在心則面赤口乾咬牙舒舌口舌生瘡身熱體瘦以安神丸主之疳在肝則面青腎膜遮睛搖頭揉目多淚頭焦髮豎筋青腦熱瘦弱以補肝湯主之疳在脾則面黃身熱腹脹肚大好食泥土水穀不消泄下酸臭困睡減食肌瘦以益黃散主之疳在肺則面白咳嗽喘逆口鼻生瘡咽喉不利壯熱惡寒鼻流清涕以清肺湯主之疳在腎則面黑肌肉瘦而體生瘡身熱尿澀手足冰冷口鼻乾渴以地黃丸主之

薛氏保嬰撮要

疳

小兒諸疳皆因病後脾胃虧損或用藥過傷不能傳化乳食內亡津液虛火妄動或乳母六淫七情飲食起居失宜致兒為患五臟之疳不同當各分辨其證雖多要不出於五臟治法肝疳用地黃丸以生腎心疳用安神丸以治心異功散以補脾脾疳用四味肥兒丸以治疳五味異功散以生土肺疳用清肺飲以治肺益氣湯以生金腦疳亦用地黃丸無辜疳用大蕪荑湯蟾蜍丸丁奚哺露用肥兒丸大蘆薈丸走馬疳數雄黃散服蟾蜍丸若作渴瀉痢腫脹勞瘵等類當詳多方論而治之蓋疳者乾也因脾胃津液乾涸而患在小兒為五疳在大人為五勞總以調補胃氣為主

疳傷

大抵多因乳哺失節脾氣有傷元氣下陷或乳母飲食七情所致小便如泔或大便泔白者用四味肥兒丸積滯黃黑者用四君子湯加黃連木香香薷日久不復或兼泄瀉或腹痛者用六君子湯加木香芍藥若小便不利大便褐色髮黃脫落鼻下瘡瘻用梔子茯苓湯乳食少思胃腹膨脹大便頻數用四味肥兒丸仍審乳母飲食七情主之

蟲

虻蟲者九蟲之一也長尺許或五六寸者因臟腑虛弱及食甘肥而動其動則腹中攻痛或作或輟口吐涎水貫心則死用使君子丸之類下之錢仲陽云吐水不心痛者胃冷也吐沫心痛者蟲痛也與痢相似

但目不斜手不搐耳安蟲散主之田氏云蟲痛者啼哭俛仰坐臥不安自按心腹時時大叫面色青黃唇色兼白目無精光口吐涎沫也若因胃冷即吐用理中湯加炒川椒五粒檳榔五分煎下烏梅丸古云蟲蝕上部則上脘有白點蟲蝕下部則下脘有白點腹中諸蟲壅聖前其頭向上壅後其頭向下如欲用藥先以猪肝油炙香令兒聞其香味使蟲頭向上則藥易入若中氣虛而蟲不安者但調補脾胃自安丹溪先生云冬月吐蟲多是胃氣虛寒用錢氏白朮散加丁香二粒主之

王肯堂證治準繩

疳

疳有病傷寒五六日間有下證以冷藥下之太過致脾胃虛而津液少即便引飲不止而生熱也熱氣內耗肌肉外消他邪相干證變諸端亦成疳病又有吐瀉久病或醫妄下之其虛益甚津液煩躁亦能成疳也
小兒病瘳由乳食不消伏在腹中乍涼乍熱飲水不止或喘而嗽與潮熱相類若不早治必成勞瘳以其有癖癥則令兒不食致脾胃虛而發熱故引飲也飲多即蕩滌脾胃亡失津液不能傳化水穀其脉沉細蓋不能飲食致脾胃虛衰四肢不舉諸邪遂生羸瘦而成疳矣
兒童二十歲以下其病為疳二十歲以上其病為癆疳與癆皆氣血虛憊腸胃受傷致之同出而異名也何者小兒臟腑嬌嫩飽則易傷乳哺飲食一或失常不為疳者鮮矣疳皆乳食不調甘肥無節而作也或

嬰幼關乳粥飯太早耗傷形氣則疳之根生或三兩
晬後乳食稍多過飽無度則疳以傷得或恣食甘肥
粘膩生冷鹹酢以滯中脘則疳因積成或乳母寒暄
失理飲食乖常喜怒房勞即與兒乳則疳因母患傳
氣而入此非病家不能調適之過乎疳皆脾胃受病
內無津液而作也有因吐瀉之後妄施吐下津液虛
竭得之者有因潮熱大下利無禁約胃中焦燥得之
者有因傷寒裏證冷厥太過渴引水漿變而生熱熱
氣未散復於他邪得之者又有病瘵寒熱脅下痛硬
或者不能漸與消磨遂以礪巴峻決津液暴傷得之
者此非醫家輕棄壞病之過乎

肝疳亦名風肝亦名筋疳其證白膜遮睛筋疳瀉血
而瘦眼白青眼睛澀癢搖頭採目流汗遍身合面而
臥面色青黃髮疎頭焦筋青腦熱渾身瘡癰腹中積
聚下痢頻多久而不痊轉甚羸瘦目生眵囊髮際左
臉多青或白睛微黃瀉利夾水或如苔色

心疳亦名驚疳面黃頰赤身壯熱口內生瘡渾身壯
熱吐利無常頰赤面黃胃膈煩滿鼻乾心躁口舌生
瘡痢久不痊多下膿血有時盜汗或乃虛驚小便赤
澀五心皆熱咬牙舒舌愛飲冷水喜伏眠于地

脾疳亦名食疳其證脾胃食不消胃疳多吐腹多筋
脈喘促氣粗乳食不多心腹脹滿多啼欬逆面色痿
黃骨立毛焦形枯力劣胃膈壅悶水穀不消口鼻常
乾情意不悅愛暗憎明腸胃不和利多酸臭愛食冷

物引飲無度身面俱黃髮稀作穗頭大項小腹脹脚
弱間或瀉瀉肌瘦目慢晝夜熱不思乳食錢氏云
肥疳即脾疳也身瘦虛黃乾而有瘡其候不一種種

異端今略舉之目溫或生白膜唇赤身乾黃或黑喜
臥冷地或食泥土身有瘡疥瀉瀉青白黃沫水痢色變
易腹滿身耳鼻皆有瘡髮髮作穗頭大項細極瘦飲
水皆其證也

此言脾疳證候多與餘疳相溫蓋疳為脾經本病
固應兼之

肺疳亦名氣疳其證氣喘口鼻生瘡咳嗽氣逆皮毛
乾焦饑渴多嗜咽喉不利採鼻咬甲壯熱憎寒脣邊
赤癢腹內氣脹乳食漸稀大腸不調頻瀉泄利糞中
米出皮上粟生鼻下赤爛手足枯細口有腥氣右腮
晃白

腎疳亦名急疳又名骨疳其證腎疳極瘦身有瘡疥
骨疳喜臥冷地齒爪黑肌骨消瘦齒齦生瘡寒熱作
時口鼻乾燥腦熱如火脚冷如冰吐逆既增乳食減
少瀉利頻併下部開張肛門不收疳瘡癰痛兩耳內
外生瘡脚如鶴膝頭縫不合或未能行牙齒生運其
縫臭爛傳作走馬疳之類又有小兒久患腎疳內虛
不食甚者天柱骨倒治法當用錢氏地黃丸加驅疳

等劑仍與貼項強筋若不識證謂之五軟非也天柱
骨倒凡有三種有吐瀉日久羸弱成者有肝膽伏熱
面赤唇紅忽變此者有傷寒不及發表成者是皆風
邪入肝以致筋絡舒弛吐瀉者當調胃氣肝熱者隨
輕重以涼肝並與強筋貼項惟傷寒天柱骨倒者難
療

莊氏二十四候

第一候瀉膿血日漸瘦是冷熱疳
第二候脚細肚高胃前骨生愛吃泥土酸鹹日久通

身黃時時吐逆下痢腹內疼痛是脾疳
第三候鼻下赤爛愛揉眼兼血痢是肺疳乃因喫著
熱物或病疔所損心肺加之咳嗽更以服涼冷藥過
多便上熱下冷漸漸昏沉日夜煩哭

第四候皮虛皺面無顏色身上燥癢心煩

第五候毛髮稀疏鼻生瘡是肺疳

第六候頭生瘡毛髮稀疏是肝疳

第七候牙變黃赤不定是腎疳

第八候頭髮焦乾鼻下瘡生是肺疳

第九候咬指甲毛髮作穗四肢沉重是心疳

第十候肚上筋生齒齦蝕是骨疳

第十一候齒斷臭爛面無顏色心不思食是脾疳又
名口疳

第十二候吐逆腹脹是胃疳又名妹疳

第十三候愛合面臥多睡如醉腹脹氣急蓋是因會
喫生肉如此腹內有蟲是心脾疳

第十四候鼻內乾痛口中臭氣齒根有鮮血是肝肺
疳

第十五候脚細肚高併肚上有青脈是脾疳
第十六候非時生瘡愛喫冷水是熱疳
第十七候皮膚上生粟子糞中米出是脾冷疳
第十八候氣滿腹脹及口乾是心胃疳
第十九候愛餐生米麪炭瓦是脾胃疳
第二十候採鼻指眼及咬指甲愛飲水是肝渴疳
第二十一候多寒熱愛臥不起是骨熱疳
第二十二候愛飲水眼目不開是肝疳
第二十三候肌體或熱或涼發渴無時是急疳

第二十四候齒斷黑腎懶開則赤是心疳積熱

凡小兒疳在內眼溫腹脹病色無常或如泔泥日漸羸瘦此候可療若鼻下赤爛自採鼻頭上有瘡生痂痛癢漸漸流引遠於兩耳時時目赤頭髮稀疏腦皮光緊頭大項細肌體羸瘦亦可治也若唇口被蝕齒斷作五色或盡峭黑舌下有白瘡上齦有瘡子口中時有臭氣齒斷漸染欲爛亦可治也若下部開張有時赤爛癢不可忍下痢無常亦可治也若疳蝕脊脊十指皆癢自咬指甲頭髮作穗脊骨如鋸有時腹脹有時下痢若急治之無不差也

凡小兒肝臟疳若目睛帶青脈左脅下硬多吐涎沫眼角左右有黑氣所衝不可治也心臟疳若每驚啼常好飲水便食辛味耳邊有脈舌上有黑脈者不可治也脾臟疳若肚大脣無血色人中平滿下痢無度水穀不消好喫泥土皮枯骨露不可治也肺臟疳若欬逆氣促多瀉白沫身上有斑生如粟米大色若黑者不可治也腎臟疳若愛食酸鹹飲水無度小便如乳牙齒青黑耳腦乾燥肩疎骨枯不可治也又五疳有五絕候一觀著脚中指底不覺痛一抱著手足垂嬾無力三病未退遍身不煖四臟腑瀉青澀及沫不止五項筋舒展無力如此之候皆不可治也凡醫用藥切在審詳也

疳者小兒病癖或久吐瀉醫者妄投轉過之藥小兒易為虛實致令胃虛而亡津液內發虛熱外消肌肉一臟虛則諸臟皆弱其病目胞腫腹脹病色無常漸加瘦削久不痊可是腸胃有風積法當宣風散導之後各依本臟補其母

諸雜證

熱者涼之冷者溫之冷熱者溫涼之此其要也熱疳病多在外鼻下赤爛頭瘡癢癢五心煩熱掀衣氣粗渴飲冷水煩躁臥地肚熱脚冷潮熱往來皆熱疳也冷疳病多在內利色無常其沫青白肢體軟弱目腫面鰲又有躁渴臥地似有熱狀惟飲食不進滑泄無已亦冷疳也其有瀉多膿血日加瘦弱此則謂之冷熱疳大抵疳之受病皆虛使然熱者虛中之熱冷者虛中之冷治熱不可妄投過涼治冷不可峻溫驟補故錢氏又曰小兒易為虛實脾虛不受寒溫服寒則生冷服溫則生熱當識此而勿誤是豈非幼幼之綱領乎上醫處此消積和胃滋血調氣隨順藥餌以扶之淡薄飲食以養之榮衛調和臟腑自然充實一或過焉君子未保其往也取積之法又當權衡積者疳之母由積而虛謂之疳極諸有積者無不肚熱脚冷須酌量虛實而取之若積而虛甚則先與扶胃使胃氣內充然後為之微利若積勝乎虛則先與利導纔得一泄急以和胃之劑為之扶虛然取積雖疏利如白苳薤藟子縮砂蓬朮消積等輩亦不可無苟問癰痛亦虛中之積也先寒後熱飲水不食或因飲水以致喘嗽錢氏有癖為潮熱之說治法解散寒熱即與下癖合是而觀發作不同療治不一又可無權度於此哉

大抵疳之為病皆因過餐飲食於脾家一臟有積不治傳之餘臟而成五疳之疾若脾家病去則餘臟皆安苟失其治日久必有傳變然脾家病宜蘆薈丸沉香檳榔丸或水晶丹烏犀丸更察虛實療之有蟲者

中華書局影印

投史君子丸化蟲飲如心腹痛吐清水蟲自下多投二聖丸諸疳證皆宜用局方五疳疳童丸或萬應丸常服化積治疳仍各投本臟調理之劑寧心用茯神湯調肝用芪歸湯調脾用參苓白朮散補肺用補肺散補腎用調元散庶各得其宜則前證不致再作積是疳之母所以有積不治乃成疳候又有治積不下其積存而臟虛成疳尤重大抵小兒所患疳證泄瀉無時不作風候者何惟疳瀉名熱瀉其臟腑轉動有限所以不成風候雖瀉不風亦轉也證作渴虛熱煩躁下痢腫滿喘急皆疳候虛證古云疳虛用補虛是知疳之為疾不可更利動臟腑發作之初名曰疳氣腹大脹急名曰疳虛瀉痢頻併名曰疳積五心虛煩名曰疳熱毛焦髮穗肚大青筋好吃異物名曰疳極受病極熱發往來形體枯槁面無神采血色名曰疳勞手足細小項長露骨尻腎無肉肚脹臍突名曰疳瘕食加嘔噦頭骨分開作渴引飲蟲從口出名曰疳露此皆疳候又因多食生冷甘粘肥膩積滯中脘不化久亦成疳治疳之法量候輕重理其臟腑和其中脘順其三焦使胃氣溫而納食益脾壯元以消化則臟腑自然調貼令血脈與氣脈相參筋力與骨力俱健神清氣爽疳消蟲化漸次安愈若以藥攻之五臟疎却腸胃下去積毒取出蟲子雖曰醫療即非治法蓋小兒臟腑虛則生蟲虛則積滯虛則疳羸虛則脹滿何更利下若更轉動腸胃致虛由虛成疳疳虛證候乃作無辜之孩難救矣

若證候龐雜不能名為何等疳者即於通治諸疳方內檢之若證候的與五疳等條下證候對者即檢本

疳方分寒熱虛實擇而用之常須識此勿令誤也

肝疳

肝疳者由乳食不調肝臟受熱所致也若乳母寒溫不調滋味不節或外感風寒內傷喜怒邪氣未散遂以乳兒多成風疳肝者眼之候上脘伏熱痰涎壅滯以致肝風入眼赤腫醫生眩淚爛眶痛癢揉擦昏暗雀盲甚至經月合眼亦名疳眼外證搖頭揉目白膜遮睛眼青淚多頭焦髮豎筋青腦熱甲癢筋攣燥渴汗多下痢瘡癰是也錢氏以地黃丸主之楊氏以天麻丸生熟地黃湯主之曾氏調肝用芪歸湯

心疳

由乳食不調心臟受熱所致也蓋其血氣未定乳哺有傷易生壅滯內有滯熱未得疏通故心神驚鬱而作驚疳之候外證身體壯熱臉赤脣紅口舌生瘡胃膈煩悶小便赤澀五心皆熱盜汗發渴齟齬虛驚是也錢氏安神丸主之薛氏用安神丸以治心異功散以補脾楊氏以茯苓九錢氏安神丸主之曾氏寧心用茯苓湯

脾疳

由乳食不節脾胃受傷所致也或乳母恣食生冷肥膩或乳兒過傷或飯後與乳致吐或乳多眠久則變為乳癖腹脅結塊亦為疳疳外證面黃身熱肚大脚弱吐逆中滿乏力叫啼水穀不消泄下酸臭合面困睡減食吃泥是也錢氏益黃散主之楊氏以靈脂九同益黃散主之薛氏用四味肥兒丸以治疳五味異功散以生土曾氏調脾用參苓白朮散

肺疳

由乳食不調壅熱傷肺所致肺主乎氣鼻乃肺所通其氣不和則風濕乘虛客於皮毛入於血脈故鼻下兩傍赤瘡瘡濕名為鼻疳其瘡不痛汁所流處隨即生瘡亦名疳疳外證咳嗽喘逆壯熱惡寒皮膚粟生鼻瘡流涕咽喉不利頤爛吐紅氣眼毛焦瀉痢頻併是也錢氏主補脾生肺以益黃散主之楊氏以清肺飲化蜜九錢氏阿膠散主之薛氏用清肺飲以治肺益氣湯以生金曾氏用補肺散

腎疳

由乳食不調臟腑伏熱所致也凡甘味入於脾而動蟲蟲動則使臟腑遂使孩提心下擾悶若上食齒斷則口瘡出血齒色紫黑下蝕腸胃則下痢肛爛濕癢生瘡療治不早精髓消耗難以有瘦蟲者蟲也目為濕匿多因疳傷久痢腸胃受濕得之狀如狐惑傷寒齒蝕之證或以走馬命名蓋齒屬腎腎主虛纔受熱邪疳氣直奔上焦故以走馬為喻初作口氣名曰臭息次第齒黑名曰崩砂盛則斷爛名曰潰槽熱血迸出名曰宣露甚者齒皆脫落名曰腐根其根既腐縱得全活齒不復生外證腦熱肌削手足如冰寒熱時來滑泄肚痛口臭乾渴齒斷生瘡八黑面鰲身多瘡疥是也錢氏地黃丸主之仍當於生脈散中多加黃芪以補肺曾氏用調元散

冷熱疳

疳之新者為熱疳面黃臉赤骨熱盜汗鼻乾口臭唇焦煩渴心躁驚悸情意不樂若疳之久者為冷疳目腫腹脹便痢不定瀉糞肥膩或似油珠煩渴黃瘦熱疳病多在外冷疳病多在內又有冷熱二證交互非

新非久不外者

無辜疳

兒面黃髮直時壯熱飲食不生肌膚積經日月遂致死者謂之無辜言天上有鳥名無辜晝伏夜遊洗濯小兒衣席露之經宿此鳥即飛從上過而取此衣與小兒著并席與小兒臥便令兒生此病

小兒無辜腦後有核如彈丸捏之反下轉是也凡小兒有此物如禽獸舌下有禁蟲若不速去常殞其命此核初生軟而不痛中有蟲如米粉得熱氣漸長大則筋結定則蟲隨血氣流散所有停留于母相生侵蝕臟腑肌肉作瘡或大便泄膿血致使小兒漸漸黃瘦頭大髮立手足細弱從茲夭折也

夫小兒無辜疳病者大腹泄痢膿血毛髮皮膚枯槁肌體日漸羸瘦腸胃既虛痢無時節故名無辜疳病也

漢東王先生云小兒無辜疾者古云天上有一鳥名無辜因驅小兒衣物失取過夜遇此鳥過尿之令兒啼叫諸病難生日漸黃瘦者非也此蓋是八邪所傷得之其八邪者飢飽勞役風驚暑積謂之八邪久則令人日漸黃瘦吃食不長肌肉夜則啼哭身上或發微微壯熱多渴吃食不知飢飽或生瘡癰是也朱氏八片錦歌孩子無辜氣多因母作為若人能慎護安得見疳羸瘠薄成風疾臨寒作氣痿須交除病乳莫更著重衣吃食無令早能言不怕遲論中八不許胃起力頻微頭皮光哲哲毛髮薄離離疳瘦侵雙眼脾黃入四肢渾身生癢疹遍體是瘡癰瀉痢無休歇增寒少定時繡毯全不顧竹馬豈能騎白晝眸中

現清涎口畔垂鬚牙須咬甲舉手要搏眉夜夜餐瓜果朝朝食土泥胃傷腸肚脹肺盛喘何疑飲食無休歇耽眠似醉迷

蟲

五疳久而不差則腹內有蟲肌體黃瘦下痢不止宜服藥出之則疳氣漸退也

蛔疳

玉訣歌惡哭痰青蛔敵心涎生積冷痛難任每餐甜物并時果致得蟲生病轉深先用史君子散蘆薈丸取蛔後溫脾胃

乾疳

身體壯熱或時增寒舌澀口乾睡多盜汗皮膚枯燥髮立毛焦乳食雖多肌肉消瘦四肢無力好睡昏昏日往月來轉加厄瘁是其候也

內疳

小兒乳食不消心腹虛脹眼目溫癢體熱皮枯腸胃不調痢下五色漸漸羸瘦蟲蝕肛腸日月彌深痢轉不止故號內疳此冷證也宜史君子丸

外疳

疳在外則鼻下赤爛自揉鼻頭上有瘡不著痂漸邊耳生瘡今分走馬疳口齒疳鼻疳眼疳等臚列如左

走馬疳疳蝕之極也乃五臟蒸熱上攻其即偏沿作崩砂候牙邊肉腫爛口內氣臭身微有潮熱吃食不得齒縫出鮮血常動搖似欲脫肉爛自落治之先以淡淡鹽湯洗口內即下紫金散摻之一日三次摻殺牙邊肉內蟲如大投甚即下秋霜散摻之然後將硃

砂膏牛黃膏天竺黃散夾調理此茅先生法或以天竺黃散夾地黃膏亦好此惠眼法如此調理即安如調理不退先落齒一兩三箇即死不治相次面光發顫漏見骨而殞

形證論先與退脾肺風熱宜吃檳榔散五七服後用此藥貼斷上以大棗一箇硃少許去棗核入硃在內燒灰存性臨臥時貼斷上數次效

凡得此候多因氣虛受寒及有宿滯留而不去積溫成熱虛熱之氣上蒸或食甘酸鹹膩之物而脾雖喜甘積滯日久蘊熱上熏於口致齒焦黑爛間出清血

血聚成膿膿臭成蟲侵蝕口齒甚至頰頰穿破乳食不便面色光浮氣喘熱作名走馬疳治之之法先去積熱用當歸散合三稜散水薑棗煎服次投蘆薈丸

玉露散及以溫鹽水灌漱或軟雞翎蘸鹽水拂洗略拭乾仍以燒鹽散內金散蜜陀僧散傳之若經久不愈者傳於唇之上下及成崩砂證或穴發漏腮齒落

骨露飲食減少氣促痰鳴必致危矣

口齒疳其候唇口癢痛牙齒黑舌上生瘡腦中乾熱斷肉赤爛頰齒疼痛熱毒熏蒸口多臭氣

此乃走馬疳之輕而慢者聖惠形容似太過治法宜清胃散甘露飲內服外用炒黑五倍子綠礬燒紅人中白等分入冰片少許摻牙或加檳榔末殺蟲亦得

鼻疳之候小兒乳食不調上焦壅滯令疳蟲上蝕於鼻也其候鼻中赤癢壯熱多啼皮毛乾焦肌膚消瘦咳嗽上氣下利無常鼻下連唇生瘡赤爛故曰鼻疳也

疳濕之病多因久利脾胃虛弱腸胃之間蟲動侵蝕五臟使人心煩懊悶其上蝕者則口鼻齒斷生瘡其下蝕者則肛門傷爛皆難治或因久痢或因臟熱嗜眠或好食甘美之食並令蟲動致生此病也

小兒嗜食甘味多動腸胃間諸蟲致令侵蝕臟腑此猶是蟲也凡食五味之物皆入於胃其氣隨其臟腑之味而歸之脾與胃為表裏俱象土其味甘而甘味柔潤於脾胃脾胃潤則蟲動蟲動則侵蝕成疳也但

蟲因甘而動故名之為疳也若蟲蝕下部則肛門生瘡爛開急者數日便死宜速療之

凡小兒乳食不節冷熱相乖傷於臟腑致疳氣也若脾胃虛弱則哺乳不消大腸虛寒遂變泄痢因其久痢不止腸胃俱虛為水濕所乘腹內蟲動侵蝕下部故名疳痢濕蟲也

夫小兒疳瘡生於面鼻上不癢不痛常有汁出汁所流處隨即成瘡亦生身上小兒多患之亦是風濕搏於血氣所以不癢不痛故名疳瘡也

五疳

銅壁山人曰凡治疳不必細分五疳但虛則補之熱則清之冷則溫之吐則治利則治利積則治積蟲則治蟲不出集聖丸一方加減用之屢試屢驗

疳熱

漢東王先生論小兒發熱形瘦多渴吃食不長肌肉者謂之疳熱凡疳熱當服進食丸磨積仍間服化蟲丸後服龍甲散退熱次服肥兒丸

疳勞

即疳熱而骨蒸兼諸咳嗽盜汗等證是也湯氏龍甲

散猪肚丸皆對證之藥

疳積

其候面帶青黃色身瘦肚膨脹髮豎身熱肚中微痛此因疳盛而傳為此候治之先用勻氣散醒脾散調理二日後下青金丹取下疳積再下勻氣醒脾散補之常服保童丸即愈

玉訣云疳氣腹脹潮熱先與調胃氣後與取虛積藥次服疳藥

疳瀉

先用青金丹取下疳積後用勻氣散香連散乳香散調理瀉止常服保童丸

石壁經云疳瀉因不慎飲食或食交乳致然腹中有片子或如鷄子又加三二指大所以作瀉糞如糟毛髮硬面無光或青黃色目多眵視當分水穀乃須溫

和藥和氣即瘡若藥熱則作腫而死瀉而多食為蟲疳宜殺蟲藥瀉而少食為冷疳宜溫藥

虛羸

母氣不足則羸瘦肉極

小兒羸瘦不生肌膚皆為脾胃不和不能飲食故血氣衰弱不能榮於肌膚也挾熱者即溫壯身熱肌肉微黃其挾冷者即時時下痢唇口青白

小兒經諸大病或驚癇或傷寒或溫壯而服藥或吐利發汗病瘥之後氣血尚虛脾胃猶弱不能傳化穀氣以榮身體故虛羸也

更當審其形色察其見證如面赤多啼心之虛羸也面青目劓肝之虛羸也耳前後或耳下結核肝經虛

火也頸間肉裹結核食積虛熱也面黃痞滿脾之虛羸也面白氣喘肺之虛羸也目睛多白腎之虛羸也仍審相勝而藥之又寒熱二證不可不辨若腹痛瀉利清白不渴喜熱此屬寒證雖在夏月宜木香丸身熱煩躁瀉利焦黃作渴喜冷此屬熱證雖在冬月宜胡黃連丸皆捨時從證之治法也

丁奚

小兒丁奚病者由哺食過度而脾胃尚弱不能磨消故也哺食不消則水穀之精減損無以榮其氣血致肌肉消瘠其病腹大頸小黃瘦是也若久不差則變成穀瘵傷飽哺露病一名丁奚三種大體相似輕重立名也

凡小兒或因吐而瀉久不差或病退不能行膝大脰小號曰丁奚七歲以下就鼓槌風十五以下名鶴膝風蓋此並是風冷傷於腎所致腎主骨故也

疳脹丁奚辨證云小兒腹大如有青筋見即曰疳脹如無青筋乃名丁奚是因過飽傷食而得之

丁奚者亦久積成疳之證皆因飲食過傷於脾胃脾胃虛不能磨化飲食飲食漸減無以生其氣血面白色慘潮熱往來腹大而多青筋手足如筒顛顛開解頸項小而身黃瘦先投萬應丸次參苓白朮散早晨服一服與養胃氣及醒脾散進食食後下烏犀丸三粒至五粒助脾化食此即用迎奪之法間投醒脾散沉香檳榔丸木香散丸次第調理有渴瀉腹痛千金膏亦好若脾氣稍和飲食漸進再以化癖丸快活丸常服或用烏犀丸略下二三行勻氣散止補有寒熱往來柴胡飲主之腹脹投南星散散有餘熱麥芽

柳枝煎湯調三解散有蟲下史君子丸斯疾得之非一朝一夕然施治之法亦須漸漸令其平復欲求速效則難矣凡鷄酒羊麪魚鮮甘甜味生冷毒物宜忌之

哺露

哺露者因乳哺不消脾胃衰弱漸不能食血氣減損肌肉不榮柴骨羸露吸吸苦熱謂之哺露也宜麝香進食丸

哺露者亦由乳哺不節損於脾胃脾胃損而飲食減形容羸瘦則臟腑之氣不能宣通時有熱謂之哺露此候與丁奚相去不遠但食多吐逆臟氣虛冷而泄瀉無度糞中有蟲治法同前丁奚證藥惟加養臟湯服之

樓英醫學綱目

十二無辜疾證

天弔 鵝口 木舌 懸癰 重齶 胡孫噤

臍風 撮口 重舌 乳澗 龜胃 著噤

五疳

心疳者苦要驚啼常只喫水少食辛味耳邊有青脈舌上有焦點者不治
肝疳者目帶青左脅下硬多吐沫眼頭黑者不治
脾疳者肚大青筋唇口無血色人中平下痢不止者不治
肺疳者咳逆氣急瀉白水身上黑斑者不治
腎疳者要喫酸酸喫水不住小便如粉汁齒黑有瘡骨出耳乾腦焦不治
小兒衛生總微論方
五疳

小兒疳病諸論叢雜唯五疳之說為當其證候外則傳變不同內則悉屬五臟一日肝疳其候搖頭揉目白膜遮睛遍身多汗喜覆面而臥眼中澀癢色澤青黃髮豎頭焦筋青腦熱腹中積聚下痢頻多日漸羸瘦二日心疳其候渾身壯熱頰赤面黃心胃膈脘煩躁滿口舌生瘡盜汗多驚下痢膿血神彩衰耗三日脾疳其候腹大如鼓上多筋脈喘促氣粗心腹壅脹多啼咳逆水穀不消脣口乾燥好食泥土情意不樂憎明好暗痢多酸臭肌肉內消形枯力劣甚則大肉陷下四日肺疳其候咳嗽氣逆皮毛焦落咽喉不利採鼻咬甲口鼻生瘡腹內氣脹乳食不進大腸不調泄痢不常憎寒體慄糞中米出洞下白泔五日腎疳其候上熱下冷寒熱時作齒斷生瘡耳焦腦熱手足逆冷吐逆滑泄下部生蠱脫肛不收夜啼驚哭漸成困重甚則高骨乃敗小兒疳疾乃與大人勞瘵相似故亦名疳勞大人勞者因腎臟虛損精衰枯小兒疳者因脾臟虛損津液消亡病久相傳至五臟皆損也大人勞疾骨削而氣耗小兒疳疾腹鼓而神贏以其病之始也其臟之傳受不同故也至於傳入五臟皆損則一也故五損者經言一損於皮毛聚毛落肺也二損於肌肉肌肉消瘦飲食不為肌肉脾也三損於血脈血脈虛少不能榮於臟腑心也四損於筋筋緩不能自收持肝也五損於骨骨痿不能起於牀腎也病極則大肉陷下高骨敗壞以至死矣凡小兒有疾多是上下所壞小兒臟腑嫩軟易虛易實一切於諸病候行轉下致脾胃虛弱津液內耗皆能成疳且如潮熱日中時發者是脾臟虛心臟實

之而內發其熱法當先補其肝母之肝乃心肝實而後瀉心心心得母氣則平而潮熱乃愈醫見潮熱妄謂其實便以大黃牙硝等冷藥利之利既多而不能禁則津液內亡漸成疳也又如癰病發作寒熱飲水脅下有形而硬痛法當用藥漸消磨之醫見有癰便以巴豆硝砂輩駛藥下之下既多而津液耗則漸成疳也又如傷寒五六日之後有下證因以冷藥下之太過致脾胃虛而津液耗即便引飲不止而熱生如此則熱氣內耗於津液肌肉外消而羸瘦他邪相干證變百端亦因成疳也又如吐瀉病久津液耗亡亦能成疳又如小兒食肥甘物多因傷為積則蘊熱發熱津液內耗亦能作甘故甘即疳也聖濟經云肥甘之過積為疳黃乃謂是矣故諸病皆能成疳也凡疳之候眼濇多困或生白膜脣口淡白身色黃黑食泥土生米喜臥冷地疥癬頭瘡洞泄青白黃沫下痢膿血腹滿喘咳耳鼻生瘡髮稀作穗頭大項細肚大青筋脚手垂痺瘦瘠飲水筋痿骨重形劣疳羸皆其證也本因脾虛津耗久則傳變而成傳緩者則為慢疳傳緊者則為急疳又當辨認冷熱肥瘦其肥熱疳者乃因食肥甘積聚生熱而作故多病於初也治用黃連丸其瘦冷疳者乃因轉下瀉痢生冷而作故多病於久也用木香丸通治冷熱疳者用如聖丸凡治小兒之病必量虛實冷熱不可妄行轉下恐變生疳也若病初之脾虛津少發渴欲飲者當生胃中津液煎錢氏白朮散與服

腑實強則不能為害若臟腑虛弱則隨蟲所動而生焉故經亦別立三蟲之名一日蛇蟲又曰長蟲居胃脘之間動則令兒吐青白沫或吐清水心腹刺痛若蟲貫心者即死二日蟬蟲居洞腸之間多則發動為痔瘻蟲蝕瘡疥癰癩三寸白蟲居腸胃之間動則損人精氣令腰脚痛弱更有一蟲形若細絲或如馬尾故俗呼馬尾蟲此蟲不在九蟲之數或云飲食中誤嚥油髮所變亦居胃中動則令兒腹中攪刺發痛不可忍受小兒蟲動者多病於諸病之外蓋因臟腑虛弱故也患疳勞吐瀉者尤甚治法用藥唯每於月初四五日間在五更時服之至日午前蟲即盡下矣後以平調藥一兩服和之不可多也

虛羸

小兒虛羸者由諸病之後或誤行轉藥或吐而利致脾胃虛弱不能傳化穀氣飲食不入肌膚消瘦乃成虛羸也

薛己曰愚按前證當以本方為主佐以四君子加
蕪荑脾胃虛甚者以四君子加蕪荑為主以前丸
爲佐

如聖丸

治冷熱疳瀉

胡黃連 川黃連 白蕪荑炒各二兩五錢

眞麝香五分另研 乾蝦蟆五箇酒煮杵膏

史君子肉一兩

右爲末以蝦蟆膏杵丸麻子大每服一二十九煎

人參湯下

薛己曰愚按疳之爲患乃肝脾虛熱津液乾涸之

證前方乃專於治疳清熱之劑若脾胃虛弱者當

佐以六君子湯調補脾胃使邪氣退庶可收全功

也

蘭香散

治鼻疳赤爛

蘭香葉二錢燒灰 銅青 輕粉各五分

右爲末乾貼

白粉散

治諸疳瘡

海螵蛸三分 白芨二分 輕粉一分

右爲末先用藥水洗拭乾貼

薛己曰按前二方治表之藥如未愈用四味肥兒

丸以治其內

四味肥兒丸

治嘔吐不食腹脹成疳或作瀉不止食積脾疳目

生雲翳口舌生瘡牙根腐爛發熱瘦怯遍身生瘡

小便澄白腹大青筋一切疳證

黃連炒 蕪荑炒 神麝 麥芽炒各等分

右爲末水糊丸桐子大每服一二十九空心白滾

湯下

蟾蜍丸

治無辜疳證一服虛熱退二服煩渴止三服瀉痢

愈

蟾蜍一枚夏月溝渠中取腹大不跳不鳴身多癰者

右取糞蛆一杓置桶中以尿浸之却將蟾蜍跌死

投與蛆食一晝夜用布袋盛蛆置急流中一宿取

出瓦上焙乾爲末入麝香一字粳米飯丸麻子大

每服二三十丸米飲下其效如神

蕪荑散

治蟲動口內流涎

白蕪荑 乾漆炒各等分

右爲末每服五六分米飲下

安蟲散

治蟲動心痛

胡粉炒黃 檳榔 川棟子 鶴虱各三錢

枯白礬二錢五分

右爲末每服五六分痛時米飲調下

薛己曰按蟲動之因多屬胃氣虛弱或聞飲食氣

味而動前二方乃化蟲之劑若因脾胃虛弱者須

當調補中氣

大蕪荑湯

治小兒脾疳少食發熱作渴大便不調髮黃脫落

面黑便青鼻下生瘡能乳嗜土等證

蕪荑 山梔各五分 黃蘗 甘草 黃連

防風各二分 麻黃 羌活 柴胡各三分

白朮 茯苓 當歸各四分

右作二劑水煎

王肯堂曰前方治黃疸土色爲熱爲濕當小便不

利今反利者知黃色爲脾胃經中大熱髮黃脫落

知膀胱腎俱受土邪乃濕熱之證鼻下作瘡者土

逆行營氣伏火也能乳者胃中有熱故也喜食土

者胃氣不足也面色黑者爲寒爲痹大便青屬寒

褐色血黑色熱蓄血中間黃色腸胃有熱治法當

滋營潤燥內除寒熱外致津液

祕旨補脾湯

治久病面黃肌瘦咬牙目劄頭髮稀少誤藥所致

人參 白朮各一錢 白芍酒炒 白茯苓八分

陳皮 川芎各六分 炙甘草 黃芪蜜炙

當歸各四分酒洗

右每服二三錢薑水煎

大黃煎

治小兒無辜閃癖癰癰或煩乾黃聾或乍痢乍瘥

諸狀多者

大黃九兩錦紋新實者若微朽即不中用削去皮搗

篩爲散以好米酢三升和置瓦罍中於大鑪內浮湯

上炭火慢煮候至成膏可丸乃貯器中

右三歲兒一服七九梧子大日再服以下出青赤

膿爲度若不下或少稍稍加丸若下多又須減

之病重者七八劑方盡根此藥性下宿膿不令兒

利也須禁食毒物乳母亦禁之一加木香一兩半

猪肚黃連丸

方直指

小兒疳熱流注遍身瘡蝕或潮熱肚脹作渴

猪肚一箇洗淨宣黃連五兩切碎水和納入肚中縫

定放在五升粳米上蒸爛

右石臼搗千杵或入少飯同杵丸菜豆大每服二

十九米飲下仍服調血清心之藥佐之蓋小兒之

病不出於疳則出於熱常須識此

天麻丸

原機啓

治小兒肝疳風疳疳眼

青黛 黃連 天麻 五靈脂去石 夜明砂炒

川芎 藜蘆各一錢 龍膽草酒拌炒焦

防風 蟬蛻各一錢半 全蠍三箇 麝香少許

乾蟾頭二錢炙焦

爲末猪膽汁浸糕丸如麻子大每服十九薄荷湯

下

二草散

治小兒疳眼睛疼并赤眼腫痛

甘草 龍膽草酒炒 當歸 細辛各一錢

爲末三歲兒一錢水半盞砂糖少許煎三分食後

服

生熟地黃散

治小兒疳蝕眼患閉合不開羞明畏日或生內障

生地黃一兩 熟地黃一兩 麥門冬去心半兩

當歸 枳殼米泔洗炒 防風 杏仁 甘草

赤芍藥各二錢半

爲末每服三二錢黑豆七粒煎豆熟去粗服之

茯苓燥湯

治小兒易饑而渴瘦瘠腹脹不利作響聲目病

生腎睫閉不開眵淚如糊久而膿流俗謂之疳毒

人參一分 柴胡四分 白朮 茯苓 薄荷

炙草 蔓荊子 枳殼各二分 澤瀉分半

前胡 蒼朮 獨活 川芎三分 羌活三分半

作一服水一盞煎至七分去滓稍熱服

右方爲小兒寒暑不調而釀成此證夫寒暑飲食

不節皆能傷動脾胃脾胃陰陽之會元也故清陽

下而不升滯陰上而不降今以白朮人參先補脾

胃爲君柴胡甘草枳殼輔上藥補脾胃爲臣蒼朮

燥濕茯苓澤瀉導濁陰下降爲佐然後以羌活獨

活防風蔓荊子前胡川芎薄荷諸主風藥以勝濕

引清陽上升爲使此正治神效之方也

升麻龍膽草飲子

治小兒疳眼流膿生眵濕熱爲病

升麻二錢 麻黃一錢半 炙草 穀精草

蛇退 鬱金各半錢 黃芩 羌活 龍膽草

青蛤粉各三錢

爲細末每服二錢熱茶清濃調服

右方君以升麻足陽明胃足太陽脾也臣以羌活

麻黃風能勝濕也佐以甘草承和上下穀精草明

目退翳蛇退主小兒驚疳等疾使以青蛤粉治疳

止利川鬱金補血龍膽草療眼中諸疾黃芩除上

熱目內赤腫火炒妙妙龍膽草性已苦寒恐重之

則又過於寒也

治疳病

胡黃連半錢去果積 阿魏一錢半酢煮去肉積

神麝妙去食積 黃連各二錢半炒去熱積

麝香四釐

右爲末猪膽汁丸如黍米大每服二十九白木湯

下

大肥兒丸

原機啓

治脾疳飲食少思肌肉消瘦肚大頸細髮稀成穗

項間結核發熱作渴精神倦怠便去酸臭愛食泥

土或口鼻頭瘡或肚見青筋齒齙下痢便白五疳

即四味肥兒丸加乾薑一兩蕪黃五錢

雄黃解毒丸

心書

下痰去熱追蟲打積

雄黃一錢另研 鬱金三錢 巴豆霜二錢

共爲末米糊丸如粟大

痰涎壅甚竹葉湯下

積痛茴香湯下

纏喉風白水化開吐痰

蟲痛苦練子根白皮湯下

蠅虎丹

良方

治一切疳瘦下痢證候全備及無辜疳毒如邪病

者

乾雄蠅虎一箇微炒 蝸牛殼 蘭香根 葶花

雄黃 麝香各一分 龍腦半分

右各爲末米醋煮糊丸黍米大每用脂麻湯下十

九日三服取效

肥兒丸

嬰童百

治疳多因缺乳食肉太早或思臟腑胃虛療諸般疳化蟲治黃瘦肚急消疳可常服之退疳熱

黃連局方加肉豆蔻 陳皮去白局方用木香

神麵局方有史君子 麥芽各一兩局方加稷木

白蕪荑半兩局方用檳榔 川楝子一兩去核炒

右為末神麵糊丸麻子大每服三十九粒空心米飲

吞下

又

三稜 蓬朮 川楝子 龍膽 黃連各四錢

柴胡 地骨皮各半兩 枳殼麩炒 麥芽

當歸各三錢 白蕪荑二錢 蘆薈 木香各一錢

右為末神麵糊丸麻子大每服三十九粒米飲下

胡黃連丸

治嬰兒一切疳疾及一切虛痢他藥無功此藥極效

效

胡黃連 川黃連 蘆薈 肉豆蔻煨 桂心

人參 硃砂 麝香 史君子 木香 釣藤

龍齒 白茯苓各等分

右為末取猪膽兩枚裂汁和末令勻却入袋內

盛之以繩扎定湯煮半日取出切破袋子更入蕪

荑子二錢微炒黃丹一錢二味別研如粉入前藥

和勻搗五百杵為丸如菜豆大但是疳與痢用粥

飲下五七丸幼者三九不喫粥飲乳頭令吻能治

一十二種疳痢及無辜疳之證功效非常

吳希亮疳方

治一切疳 三稜煨 蓬朮煨 神麵炒 麥芽炒各半兩

青皮 陳皮 烏梅肉 蕪荑仁 胡黃連

百草霜 雷丸各三錢 元胡索 甘草各二錢

巴豆五十粒

右為末合了先用一兩入巴豆五十粒丸麻子大

每服五七丸米湯下大小以意增減加川楝子史

君子亦可

地黃丸

治腎疳

熟地黃八錢 赤茯苓 山茱萸肉 當歸

川楝肉 丹皮 山藥 澤瀉 史君子各三錢

右為末蜜丸如桐子大每服三九溫水化下

生熟地黃湯

治疳眼閉合不開內有濃霧

生地黃 熟地黃各半兩 川芎 赤茯苓

枳殼炒 杏仁水浸去皮 川黃連 半夏麵

天麻 地骨皮 甘草炙 當歸各二錢半

右剉碎每服二錢薑三片黑豆十五粒水一盞煎

至六分空心溫服

脾積丸

治疳極妙

山楂子青者多用 香附子 烏藥 紫金皮

砂仁 生甘草各等分

右為末山楂子生用搗碎成末米糊丸桐子大米

飲下三五十丸大人小兒皆可服

噤疳散

治疳 蘆薈 川黃連各一錢 瓜蒂 猪牙皂角

蝦蟇灰各半兩 麝香少許

右末吹入鼻內嚏出可療

脂連丸

治五疳潮熱肚脹髮焦

胡黃連 五靈脂

右為末猪膽汁丸麻子大每服十五丸米飲下

五疳潮熱慎勿用大黃黃芩

五疳良方

川黃連 蕪荑仁 神麵炒 麥芽炒 陳皮

木香 蝦蟇灰各一兩 史君子三十個煨去殼

生肉豆蔻二箇 雞心檳榔二箇 麝香一字

右為細末雄猪膽二個取汁入好酒打清麵糊丸

芥子大每服十五丸米飲下

茯苓丸

治心疳與驚疳

茯苓 蘆薈 琥珀研 黃連淨 赤茯苓

釣藤皮 遠志肉薑製焙乾 蝦蟇灰各二錢

石菖蒲一錢 麝香少許

右為末粟米丸麻子大每服十九薄荷湯下

神效換肌丸

治小兒脾疳肌瘦潮熱盜汗飲食易傷臟腑不調

泄瀉精粕不化頭大腹急

川黃連炒 鼈甲酒炙 肉豆蔻煨 史君子

神麵炒 麥芽炒各半兩 眞麝香另研半錢

訶子肉一錢半

右為末麵糊丸如芥子大米湯下量大小加減

地黃清肺湯

治肺熱疳喘咳嗽氣逆多喘壯熱惡寒

桑白皮炒半兩 紫蘇 前胡 防風 赤茯苓

黃芩 天門冬去心 當歸 連翹 桔梗

生地黃 炙甘草各二錢五分

右剉每服二錢水煎食後服

靈脂丸

治脾疳食疳

白豆蔻 麥芽炒 五靈脂 縮砂仁 蓬木煨

青皮 史君子 橘紅 蝦蟇炙焦各二錢

右爲末米糊丸麻子大每服十九米湯下

下蟲丸

治疳蛔諸蟲

苦楝根皮酒浸焙 綠色貫衆 木香 蕪荑焙

桃仁 檳榔各二錢 鶴虱炒 輕粉各半錢

乾蝦蟇炙焦三錢 史君子五十箇煨取肉

右爲末飛麵糊丸麻子大每服二十九天明清肉

汁下

治脊疳兼疳勞加當歸川黃連各二錢半

龍膽丸

治腦疳腦熱餅瘡

龍膽草 川升麻 苦楝根皮 赤茯苓 蘆薈

防風 油髮灰各二錢 青黛 黃連淨各三錢

右爲末猪膽汁浸糕丸麻子大每服二十九薄荷

湯下食後仍以蘆薈末入鼻

香薷丸

治疳瀉

黃連三錢炒 生肉豆蔻 木香 訶子煨

砂仁 茯苓各二錢

右爲末採飯丸麻子大每十五丸食前米飲下

木香丸

治疳痢冷熱不調五色雜下裏急後重

黃連淨三錢 木香 紫厚朴薑汁炒 砂仁

夜明砂隔紙炒各二錢 訶子肉一錢半

右爲末梗米飯丸麻子大每服十五丸乾艾葉生

薑煎湯食前溫服

褐九子

治疳腫脹

萊菔子炒一兩 陳皮 青皮去白 檳榔

黑牽牛取淨半生半炒 五靈脂 赤茯苓

蓬木煨各半兩 木香二錢半

右爲末麵糊丸如萊菔大每服十五丸紫蘇葉白

湯送下

黃芪湯

治疳勞咳嗽不定虛汗骨蒸渴而復瀉乳食遲進

而不化

黃芪蜜炙 當歸 川芎 白芍藥 生地黃

蝦蟇去足炙焦 龍甲酢炙焦各三錢 人參

白茯苓 陳皮 半夏麴 柴胡 史君子

甘草炙各一錢

右剉散每服二錢薑漿煎食前服

龍血煎

治疳勞

白蕪荑 柴胡 川芎各一兩 人參半兩

史君子二十一箇 胡黃連 川黃連各一兩

右用龍血一盞吳茱萸一兩拌和二黃連淹一宿

次早炒乾揀出茱萸並血只用二連同餘藥末粟

米飯糊丸麻子大每二十九丸食前服

蚬蚶丸

治無辜諸疳一服虛熱退二服煩渴止三服瀉痢

住

蟾蜍一枚夏月溝渠中取腹大不跳不鳴其身上多

癩瘡者 胡黃連三錢

右取糞蟲一杓置桶中以尿浸之桶上要乾不與

蟲走却將蟾蜍打死頓在蟲中任與蟲食一日一

夜次以新布袋包繫定置之急流水中浸一宿取

出瓦上焙乾共爲末入麝一子研勻採飯糊丸麻

子大每二三十九米飲下

君朴丸

治小兒諸疳小兒便白濁久則黃瘦不長肌肉

史君子煨 厚朴製 黃連各一兩 木香三錢

右爲末糊丸如小豆大三歲三十九米湯下三五

服效

紫霜丸

治小兒因母復胎致有寒熱羸瘦日繼病

代赭石煨酢淬七次 赤石脂研末各一兩

杏仁去皮尖 巴霜去油各五十枚

右先將杏仁巴霜入乳鉢內細研如膏却入代赭

石脂末研勻以湯浸蒸餅爲丸如粟米大一歲服

五丸米飲吞下一二百日內兒三九乳汁下更宜

量其虛實加減微利爲度此藥兼治驚痰諸疾雖

益黃散

治小兒吐瀉脾虛不食米穀不化困倦力少滑腸夜起并疳虛盜汗并治涎唾流出

陳皮一兩 丁香二錢 一用木香 訶子炮去核 青皮去穰 甘草炙各半兩

右爲末每服二錢水一盞煎三分食前服

消乳丸

砂仁 橘皮 三稜炒 蓬朮炒 神麴炒

麥芽炒各半兩 香附子炒一兩

右爲末麵糊丸麻子大食後白湯送下

龍膽湯

治小兒因乳母復受胎孕令兒漸漸消瘦骨立毛

豎竟成瘵疾名曰魘病此方大效

龍膽草 釣藤鉤 柴胡 黃芩 白芍藥

茯苓 生甘草各半兩 蛻螻二枚去翅足炙

大黃煨二錢半

右剉散每服二錢水一盞煎半盞服之以漸加服得利即止

直指方加防風麥門冬以導心熱黃芩減半北棗煎服去蛻螻蟲亦可

十全丹

治丁奚哺露

青皮 陳皮 川芎 五靈脂 蓬朮 白豆蔻

檳榔 蘆薈各半兩 史君子焙 蝦蟇灰

木香各三錢

右爲末猪膽汁浸糕糊丸麻子大每二十九丸米飲

下

有熱薄荷湯下

又

治丁奚哺露

檳榔 枳殼麸炒 青皮 陳皮 三稜煨

蓬朮煨 砂仁炒各半兩 丁香二錢五分

木香二錢 香附一兩炒

右爲末神麴糊丸黍米大空心食前下一百丸

消食丸

治小兒乳哺飲食取冷過度冷氣積於脾胃胃爲

木穀之海脾氣磨而消之胃氣調和則乳哺消化

脾傷於冷則宿食不消此藥寬中快氣消乳食正

顏容

縮砂仁 橘皮 三稜煨 蓬朮煨 神麴炒

麥芽炒各五錢 香附炒一兩

右爲末麴糊丸黍米大食後紫蘇湯下二十九

龍甲丸

治小兒無辜疳腹中毒氣四肢瘦弱

龍甲酢塗炙令黃去裙襴 黃連 枳殼麸炒

夜明沙微炒各一兩 訶黎勒二枚一生一熟

麝香一字 蠍虎一枚微炙

右爲末煉蜜丸如菜豆大每以粥飲下五九日三

服量兒大小加減服之

蒸雞丸

治小兒疳勞骨蒸潮熱盜汗瘦弱腹急面黃食不

生肌肉日夜啼多渴少食

黃連二兩 鶴虱 蕪荑各半兩 柴胡 秦朮

知母 丹參 史君子去殼一兩

右爲末黃雄雞一隻約斤餘籠之專以火麻子飼之至五日後去毛令淨於背上開孔去腸肚淨拭乾令前藥入雞腹內以線縫之小瓶先以黑豆鋪飯底厚三寸安雞在甕中四旁將黑豆圍裹上以黑豆蓋之自日出蒸至晚候溫冷取雞淨肉研和得所如硬入酒麴糊同藥末爲丸如小豆大二歲二十九丸以意加減米湯下無時如十五歲以溫酒送下忌食猪肉雞肉

黃雞煎丸

柴胡 知母 秦朮 川棟肉炒 宣連各一兩

胡連 蘆薈 鶴虱 蕪荑 檳榔 丹參

川芎 神麴 麥芽炒 青皮 五靈脂各半兩

史君子肉一兩半 水銀粉一錢 麻子五兩

黑豆五升

右藥依前方修合

梅肉丸

治小兒諸疳煩渴飲水不止

龍膽草 定粉 烏梅肉炒 黃連蒸各等分

右爲末煉蜜丸黍米大每服二十九丸溫水送下

竹葉湯

治傷寒裏俱虛及諸煩不安

石膏二兩 半夏四錢 人參 甘草各二錢

麥門冬六錢

右剉散每服二錢水一盞青竹葉生薑各四片梗

米七十粒同煎

嘔加竹葉生薑

四君子湯